

Enformaziuns y Comunicaziuns

Carsëma: Dertan la Carsëma, tomp sterch dal ann liturgich, orunse envié les families da coltivé ciamó deplü la oraziun. Te dljia vëgnel le dèdölönesc y le vëndres perié Les Staziuns, i atri dis el Mëssa. Mâ la jöbia n'el degüna funziun te dljia; soradöt te cösc dé ves enviunse da se tó plü tomp por la oraziun a ciasa, co è sambën bënödüda vigne dé.

Oraziun: En vëndres ai 20 de forà ales 8 da sëra vëgnel tignì tla capela da Oies na oraziun de Taizé, olache al vën cianté, perié y medité en forma de Taizé. Düc è bënödüs.

Jogn: Le grup dai jogn SKJ d'Al Plan enviëia al 2. Meeting dai Jogn, en sabeda ai 21 de forà ales 19:30, te salf dla Raiffeisen. Al gnarà prejenté le resultat dal pröm meeting sté ai 30 de dezëmber, sön le raport danter jogn y Comun. Cösta sëra vëgnel prejenté le program/les propostas co ti gnarà portades dant ai raprezentanc dai jogn co candidëia ales lites de Comun. Düc i jogn è bel enviës.

Pelegrinaje: Al vën organisé dui pelegrinaji a Medjugorje: önn de 6 dis dai 22 ai 27 d'aori, y önn de 5 dis dai 21 ai 25 de mà. Le cost dal pröm è de 310,00€ (110,00€ da païé ete al'iscriziun); le secundo costa 280,00€ (80,00€ al'iscriziun). Enformaziuns y prenotaziuns pa Konrad y Cristina Sottara al nr. 0471/843077 o 335/1732706. Al vën recordé che la cherta d'identité ne val nia, sce ara è mà renovada con stempl dal comun.

Prejentaziun: Encö ai 15.02 ales 16:00 vëgnel prejenté tla Ciasa Runcher a Badia le liber: "Enrescida sun la prejenza dl ladin te glieja tles valedes ladines" de Susan Rubatscher.

Carlascé: L'Assoziaziun Turistica d'Al Plan enviëia düc cané da gni a fà o ti ciaré ala defilada da carlascé, en dèdölönesc ai 17 de forà. An s'encunta ales 14:00 sön plaza dan la nodadoia corida, olache an ciafa le numer de partezipaziun. La defilada pëia spo ia ales 14:30, por roé cina dan paiun de paisc. Enlò vëgnel premié les plü beles mascheres.

Aodanzes



La comunité d'Al Plan ti aoda
döt le bun, sanité y benedisciun ai geniturs
Meinhard Erlacher y Marion Ties
por le Bato de picia **SOPHIE**.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.
Comunicaziuns - cina al dèdemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006

6. Domëgna dal ann liturgich B, ai 15.02.15 - nr. 12



福若瑟
VAL BADIA



Al à tignì fora la man y à dit: I ô che te varësci!

Dal Vagnele do San Merch, 1, 40 - 45

Te chël tomp ⁴⁰el gnü en lebrus da Gejù y periâ do aiüt; al s'â enslené jö dan da d'el y à dit: Sce tö ôs, este bun da fà ch'i vëgni nèt. ⁴¹Gejù â compasciun empara; al à tignì fora la man, l'â aziché y à dit: I ô che te varësci! ⁴²Te chël momont s'an è la lebra sparida, y l'el ea nèt. ⁴³Gejù l'â orcé demez y ti à racomané: ⁴⁴Mët averda! No sté a tial cunté a zacai, mo va y móstrete al preo y porta dant en testimonianza por ëi le sacrificze de purificaziun che Mosè à scrit dant. ⁴⁵L'el s'an è jü y cuntâ te vigne ocasiun ci ch'al ea sozedü; al cuntâ entoron dōta la storia, tan che Gejù ne pōdea plü se lascé odēi te degüna ciüté; al se tignia sō mà plü defora dles ciütēs te posé soroné. Empō gnea la jont da d'el da endlunch adalerch. **Parora dal Signur. - Lalt a té, Gejù Crist!**

Çiodi pa na crusc de cënder?

Con Capiun mët man la Carsëma

A ci co romagn canche val' è borjé jö, ti dijunse cënder. Y le cënder è danré en iade sëgno de speranza. Cënder è ci co romagn canche la löm se destöda, canche le fū se desfrida, canche l'ultimo borëi se desfanta. Çiodi gnunse pa en Capiun benedis con na crusc de cënder sōla frunt? Ne fōssel nia miù da fà na crusc con or o arjont? Ne ti sunse nia sciampēs - con la ressureziun de Gejù - ala condana da donté endō stöp? La liturgia de Capiun è sonziera con nos. Y cōsc è bun y dërt ensciö: Ara n'ascogn ia

nia, ara ne proa gnanca da le di te na manîra plü plajora. La mort y le dolor ne se vën nia sparagnēs, mo i messun i tignì fora. Endere: i sän y cherdun che dedò vëgnel la salvëza eterna, chëra che Gejù à empormotü. Le poët Friedrich Hölderlin (1770 - 1843) recordâ belo chi tomps che olache al è grigo, crëscel sō inçe sō ci co salva. (Butzon-Bercker Messbuch)



Domëgna: 15.02: IV. Domëgna: Domëgna Grassa



8.30: *Gran mëscha a La Pli*

9.30: **Funziun dla domëgna: Corona**

10.00: **S.M. pro popolo por dōta la Ploania**

14.30: **Funziun dal Bato: Sophie Erlacher**

18.00: S.M. por +nt Angelo Ties de Col

S.M. por +nta Angela Ties da Plazores

S.M. por +nta Teresa Bernardi Ties de Cassl

S.M. por +nt Mutschlechner Peter, Longega

Lön. 16.02: Feria dla 6. edema: Sa.Iuliana, S.Pamphilus

7.30: S.M. por +nc' Erlacher da Torpei

S.M. aniv. por +nt Tone Obwegs da Garsun

S.M. por +nc' dles Fam. Prousch y Perathoner

S.M. por +nta Ponzini Zorzi Simonetta

S.M. por +nta Patrizia Rungger de Berto

Dédol. 17.02: Festa dai 7 Fondadus di Servic: Pietralba

7.30: *S.M. a La Pli*

Dédem.18.02 Capiun: S.Angelico

18.00: **S.M. con imposizioni dal Cënder**

S.M. por +nta Stasi Rindler de Costata

S.M. por +nta Comploi Tille de Mano

S.M. por +nta Call Marianna de Iosc

S.M. por +nt Hans Erlacher de Corcela

19.30: *S.M. a La Pli*

Jöbia 19.02: Jöbia dô le Capiun: S.Bonifazio, Sa.Irmgard

Al vën enviè ala Oraziun de carsëma te ciasa

Vëndr.20.02.: Pröm Vëndres de Carsëma: Sa.Amata, S.Jordan

7.10: **S.M. por i scolari**

S.M. por +nt Hermann Trebo dal Schneider

S.M. por +nt Hubert Rungger dal Ferber

S.M. por +nt Lois Castlunger dal Surt

S.M. por +nc' Ferdinand y Frida Obwegs de Batista

18.00: **Via Crucis – Les Staziuns**

Sabeda dô Capiun: S.Pire Damiani, S.German

17.00: **Poscibilitè da se pissié**

18.00: S.M. por +nc' Rosa y Valter Mocellin y Manlio Marcocci

S.M. aniv. por +nt Franz Flatscher, Ches Costes

S.M. por +nc' Katherina y Sebastian Laner

S.M. por Fam. Frenademez Erich y Edith y +nt Franz Ferdigg

19.30: *S.M. a La Pli*

Domëgna 22.02: I. Domëgna de Carsëma: Ann "B"; Mk 1,12-15



8.30: *Gran Mëscha a La Pli*

9.30: **Funziun dla domëgna: oraziun de Carsëma**

10.00: **S.M. pro popolo: tomp de Carsëma**

18.00: S.M. de renger. por Fam. Winkler Albin y Gabriella

S.M. por Fam. Polo - Mossettig

S.M. por vîs y +nc' dla Fam. Taibon Borroni, Lè dla Crëda

S.M. por +nc' dla Fam. Obojes da Majun - Val

DA PONSÉ DO Le significat dal jiné

En per de sciuri coriusc ea en iade jüs da en èl sant co jinâ y periâ tal desert, t'en post olâche al gnea empü'd'ega. Te chël momont tirâl sô ega da na zisterna.

Ai damanâ: "Dijede mo, ci significat à pa osc jiné?"

L'èl sant respognea: "Ciarede mo jö te fisti, ci odëise pa?"

Ai se sporjea jö por odëi val', mo l'ega lajö se armorea te en grôm de pices ones y ensciö respognei: "Nia n'odunse!"

Spo i âl fat aspeté en pez scutan bi chîc y i â spo ciámó envié en iade: "Ciaredemo jö te fisti, ci odëise pa?"

Danö se cüfai jö por odëi val', y tal ega co ea sëgn chîta y frëma desco en spidl, s'odëi se enstësc.

Y le sant ti spligâ: **"Cösc è le significat dal jiné: An se reconësc se enstësc."**

GEJÜ proibësc al èl ch'al à varì,
da cunté ennant de cösc miraco.

Çiödi pa?

Scenö podess les porsones araté Gejü
en striun, önn co fej mirachi, en "superman".

Rodunt cösc n'öl Èl nia,

mo ch'al sii reconesciü desco le Messia,

empormó do sôa via crucis,

do sôa mort sôla crusc,


desco le Ressorì dal Signur.

Èl ô nes mostré,

da tó söl scerio:

sôa misciun y

nosta fede.



**GOTT
IST
DAS
WUNDER
IM
LEBEN
EINES
MENSCHEN**



Lasst uns feiern und Frieden leben,
lasst uns feiern und schaffen Freud,
nach Humor als Quelle streben,
die uns Kraft gibt
nicht nur heut.



DU SIEMST JA
AUS WIE
MAMA!

FALLS ICH MAL
GEBLÜTZT
WERDE!

Sorvisc dai Ministrón

Lönesc 16/02 (07:30h), Dédemesaledema 18/02 (18:00h), Vëndres 20/02 (07:10h): Max Maneschg, Anna Chierchia;

Sabeda 21/02 (18:00h): Herbert Piazza, Lara Ploner, Giada Regis, Alex Rubatscher, Mara Rungger, Kevin Sorà;

Domëgna 22/02 (10:00h): Emma Sogorka, Anna y Jan Trebo, Jasmin, Martina y Melanie Ties;

Domëgna 22/02 (18:00h): Samuel Castlunger, Matteo Sottrovisch, Alexa Ties, Gabriel Trebo, Miller Suani, Matthias Willeit;

